

DIRETORIA PER PUNTE INSPEKTUESE

JANAR - SHTATOR 2023

KOMUNA E RAHOVECIT

TABELA E PËRMBAJTJES

HYRJE.....	2
AKTIVITETET E INSPEKTIMEVE NË PËRMBUSHJEN E OBJEKTIVAVE.....	2
STATISTIKA – GJOBA MANDATORE DHE REALIZIM I TË HYRAVE	4
PËRFUNDIM	4

HYRIE

Raporti të cilin po e prezantojmë, pasqyron punën e Drejtorisë për Punë Inspektuese, për periudhën: janar – shtator të vitit 2023. Në këtë raport janë të përfshira punët dhe aktivitetet e kryera dhe të ndërmarrë nga Drejtoria për Punë Inspektuese të cilat janë paraqitur sipas sektorëve të cilët i mbulojmë si dikaster. Inspektimet kanë për qëllim: Zbatimin e ligjeve dhe akteve tjera nënligjore, mbrojtjen e interesit të përgjithshëm publik dhe mbrojtjen e interesave të ligjshëm të subjekteve të inspektimit.

AKTIVITETET E INSPEKTIMEVE NË PËRMBUSHJEN E OBJEKTIVAVE

Gjatë periudhës janar – shtator, në Drejtorinë për Punë Inspektuese, inspektimet janë realizuar në tërësi duke e mbuluar territorin e Komunës së Rahovecit, - DPl është organizuar në grupe inspektuese me nga 4 grupe të kombinuara sipas nevojës. Inspektimi në terren rregullisht fillon nga ora: 9:00: - 14:00, ndërsa sipas rrethanave dhe kërkesave mund të zgjasë edhe më shumë;

- Në total, gjatë kësaj periudhe raportuese janë realizuar 940, kontrole inspektuese. Krahas prioriteteve siç janë: Parandalimi i ndërtimeve pa leje, Lirimi i Hapësirave Publike, Luftimi i Ekonomisë së Zezë, Mbrojtja e Konsumatorit, prioritet dhe fokus i yni kryesor ka qenë mbrojtja e shëndetit të qytetarëve;
- Në fushën e ndërtimit për këtë periudhë raportuese, sipas raportit të punës nga inspektori përkatës është bërë inspektimi i ndërtimeve pa leje ndërtimore dhe ndalimi këtyre ndërtimeve deri në paisjen me leje ndërtimore, janë dërguar aktvendime për rrënimin e ndërtimeve pa leje si pasojë e mos respektimit të urdhërimit për ndalim punimi, është bërë mbikëqyrja e zbatimit të ligjit dhe rregullave tjera që kanë të bëjnë me ndërtimet (projektet e ndërtimit, planet etj.), mbikëqyrja e standarteve të ndërtimit dhe të produkteve ndërtimore si dhe konstruksionet që përdoren gjatë ndërtimit, janë shqiptuar edhe 75 gjoha mandatore për ndërtim pa leje;
- Të gjithë shfrytëzuesve të hapësirave publike, para lokaleve afariste u janë shpërndarë urdhëresa për tu pajisur me lejet përkatëse për shfrytëzim të hapësirave publike, përkthazi me rregulloren komunale;
- Në angazhimet tona për luftë ndaj ekonomisë informale, për këtë periudhë raportuese, 83 është numri i bizneseve të reja të cilat janë regjistruar në zyrën e ARBK-së, pas urdhëresave nga shërbimi ynë;
- 83 është numri i lëshuar i pëlqimeve të punës, për subjektet afariste të cilat i kanë plotësuar kushtet higjienike – teknike;

- Janë kryer inspektime intensive, ku inspektorët e tregut kanë konstatuar parregullësi, poashtu kanë marrë masa në përputhje me ligjin: gjoba si dhe masa të tjera administrative;
- Janë inspektuar 158 biznese nga inspektorët e tregut lidhur me identifikimin e produkteve ushqimore, vendosjen e çmimeve në produkte etj;
- Janë inspektuar edhe disa prej subjekteve afariste, që ushtrojnë veprimtarinë e tyre në komunën e Rahovecit, ku prej tyre është kërkuar pajisja me Leje Mjedisore;
- Në fushën e transportit publik ne në vazhdimësi kemi përcjellur nga afër punën e kompanive të licencuara të autobusëve, se a janë duke i mbuluar mjaftueshëm dhe sigurtë linjat e transportit të udhëtarëve, në rendet e udhëtimit të cilat janë lëshuar nga organi kompetent komunal. Poashtu, janë kryer inspektime rutinore ku edhe janë urdhëruar autotaksi të bëjnë vazhdimin e lejes për kryerjen e transportit jo të rregullt të udhëtarëve;
- Janë shqyrtuar me kohë të gjitha kërkesat e qytetarëve për dalje në terren kryesisht kërkesa në lidhje me gëshijt komunale;
- Në bashkëpunim me DGJKP, kemi identifikuar raste të ndryshme të uzurpimeve arbitrare, si dhe në koordinim me DBF, Stacionin Policor në Rahovec, është rrënuar një objekt në pronë publike në fshatin Xërxë, vlen të ceket se disa vendime janë zbatuar vullnetarisht nga uzurpatorët dhe prona publike është liruar;
- Nga USAID, kemi pranuar udhëzuesin përfundimtar dhe instrumentin për përcjelljen e protokoleve të inspektimit të ndërtimit, gjatë javëve të ardhshme do te organizohen edhe trajnime për mënyrën e përdorimit të këtij instrumenti gjatë punës së përditshme të inspektorit të ndërtimit;
- Parandalimi dhe zvogëlimi i ndotjes së mjedisit, nga automjetet mbeturinë dhe komponentët e tyre, arrihet përmes rrethojave të hekurishteve, të cilat nuk duhet të kenë pamje të vrazhdë por të jenë të integruara me mjedisin. Andaj, edhe inspektorati i komunës së Rahovecit, po përkujdeset në vazhdimësi që të respektohet U.A. Nr. 19/2012 për menaxhimin e automjeteve të vjetra dhe komponentet e tyre, si dhe njëkohësisht të ruhet mjedisi.

STATISTIKA - GJOBA MANDATORE DHE REALIZIM I TË HYRAVE

LLOJI I NDËSHKIMIT	NUMRI I GJOBAVE TË SHQIPTUARA	VLERAT E GJOBËS NË €
GJOBA MANDATORE PËR NDËRTIM PA LEJE	75	35,365.00 €
GJOBA MANDATORE – ÇËSHTJE KOMUANLE - GËRMIM PA LEJE, EKSPOZIM I MALLRAVE USHQIMORE, SHFRYTËZIM I HAPËSIRËS PUBLIKE	26	2650€
GJOBA MANDATORE PËR MUNGESË DOKUMENTACIONI, MOSPËRPUTHJE ÇMIMESH	7	3500€
GJOBA MANDATORE PËR MOSRESPEKTIM TË ORARIT TË PUNËS	12	600 €
GJOBA MANDATORE PËR MIEDIS	33	1260 €
TOTALI:	153	43,375€

LLOJI I VERPRIMIT	NUMRI I KËRKESAVE	VLERAT NË €
KËRKESA PËR KONTROLL INSPEKTUES	33	310 €
PËLQIME PUNE	83	1245€
TOTALI:	116	1555 €

TOTAL TË HYRA PËR KËTË PERIUDHË RAPORTUESE: 44,930€

PËRFUNDIM

Përkundër të gjitha sfidave, konsiderojmë që jemi në rrugë të mirë për përmbushjen e të gjitha objektivave, sigurisht edhe me një bashkëpunim me të gjitha institucionet tjera të cilat po na ndihmojnë me arrijën e rezultateve konkrete.

Nora BOSHNIJAKU

Drejtoreshë për Punë Inspektuese